

ա) Բանտարկութիւն (քրէականի համար՝ շղթարակապ) .

բ) Տուգանք .

գ) Մարմնական պատիժներ (ծեծ եւ այրում) .

դ) Մահուան պատիժ :

Իւրաքանչիւր մեղադրեալ ձերբակալուում եւ բանտ է տարուում — մինչեւ դատի օրը : Բացի քրէական յանցաւորներից, միւս բոլոր բանտարկեալները կարող են երաշխաւորութեամբ նախնական բանտարկութիւնից ազատուել (ւժը) : Նոյնիսկ քրէական յանցաւորը, եթէ նրա յանցանքը «երկբայի» է, կարող է երաշխաւոր ներկայացնել եւ ազատուել (ւժը) :

Պատժի սովորական ձեւը տուգանքն է, որ առնուում է — ինչպէս տեսանք — յօգուտ Ուղորմութեան Տան : Մարմնական պատիժները եւ մահապատիժները տրուում են հաղուադիւտ դէպքերում, բոլորն էլ ձշտօրէն նախորոշուած օրէնքով : Օրինակ, 192-րդ օրէնքն ասում է .— Եթէ ձեծողը «հակայ» եւ բարկացոտ մարդ է, դրուում է բանտ՝ մինչեւ որ մեղմանայ եւ փութն իջնի : Եթէ իշխանադուն եւ փառասէր է՝ «գան հարցի նմ հոչակաւոր տեղի» : Եթէ աղքատ է եւ կուտարար՝ «ստանասցէ ի ձեռանէ առն այնմիկ գանս նման նմին, որպէս ինքն եհար նըմա» :

Շիկացած երկաթով ալրում են ձեռքը՝ ստորազրութիւնը կեղծողի, իսկ եթէ հրովարտակ լինի կեղծածը կամ հրաման, պատերազմի ժամանակ — կեղծարարը «մահու մեռցի» (նկք) : Այրում են ձեռքը՝ եթէ համարձակուում է խիել քահանային (նհ) : Այրում են «փախուկ միւր», եթէ մէկը կեղծում է կըռուաքարերը : Երեք անգամ բռնուելիս՝ այդ պատիժն է տրուում, իսկ չորրորդ անգամը՝ «մահու մեռցի» (նիդ) :

Մահուան պատիժ է տրուում բոլոր մարդասպաններին (նկդ) . կանանց եւ օրիորդների պատիւը բռնութեամբ արատաւորողներին (նկե) . գողերին եւ աւազակներին, եթէ նրանց տարածի արժէքը 100 արծաթ դահեկանից աւելի է (նկգ, նկբ) . պատերազմի ժամանակ բռնուած լրտեսներին (նկէ) . բոլոր դրամանենդներին (նհգ) եւն . :

Շահամիրեանի առաջադրած օրէնքների

թուում կան այնպիսիները, որոնց վրայ մենք տեսնում ենք խոր հնութեան կնիքը . մասնաւորապէս աւատական կարգերի հետքերը շատ զօրեղ են նրանց վրայ : Մի քանի օրինակներ բաւական են մեր ասածը հաստատելու համար : Այսպէս —

Արհեստաւորը չի կարող իր արհեստով պարսպել, եթէ նա իր վարպետից չունի վրկայական առ այն, որ իր արհեստը լաւ գիտէ նա (նհգ) : Վաճառելի ապրանքի համար նահանդից նահանգ անցկացնելու տուրք է տրուում 5 % (նժէ) : Ուտեղեղէնի համար ձիու, ջորու, ուղտի, էջի եւ եզան բեռից, գաւառից գաւառանց կացնելիս, վճարուում է 10 դրամ պղնձի, իսկ այլ ապրանքների բեռից՝ 1 դահեկան արծաթի : Քրէական յանցանքների համար մահուան դատապարտուածը եթէ փախչում է, կախարան են հանում նրա ձուլածոյ պատկերը (ւժք) :

ՎԵՐՁԻՆ ԽՕՄԲ

Ինչպէս ասացինք՝ Շահամիրեանի «Որոգայթ Փառաց»ը քաղաքական մի ծրագիր է — Հայաստանի փրկութեան եւ հայ ժողովրդի երջանկութեան համար, բայց դժբախտաբար մի վերացական եւ անիրական ծրագիր, չբըղխող ամենեւին այն երկրի ոէալ պայմաններից, որի համար առաջարկուում էր նա : Իր դատողութիւնների մէջ եւ մանուաւոր հայ իրականութիւնը ճանաչելու գործում, եթէ չասենք միամիտ, բայց պիտի ասենք, որ չափազանց լաւատես է մեր հեղինակը :

Նա մարդկային իրականութիւնը չի ճանաչում, մասնաւորապէս հայ իրականութիւնը իր դժոխային պայմաններով : Նա կարծէք մի օտար մոլորակի վրայից յանկարծ իջել է երկիր՝ իր ժողովրդին ազատութիւն եւ երջանկութիւն բերելու համար : Նա հրապարակ է նետում մեծ-մեծ գաղափարներ, գծում է դժուարին ծրագրեր, միամիտ մարդու լաւատեսութեամբ հաւատալով, որ ամենայն ինչ արդէն կատարեալ է, որ այդ ամէնը կարող է իրականութիւն դառնալ, այն էլ հայկական դժխեմ կեանքում :

Ազատութիւն, օրէնք, հաւասարութիւն եւ այլ նման գաղափարներ, որոնց համար մարդկութիւնը դարերով պայքարել է, միլի-